

后汉光禄大夫端州牧太始祖

考讳陆训公 妣冯氏太君 墓誌铭

鸟能飞万里，高举远蹈，不限于方隅者，其惟鹏乎！
鱼能吸百川，纵横变化，激昂于洪溟者，其惟鯤乎！
夫鯤鹏之处，非沧海而不居，非扶摇而不举，岂杖
潦夕吹，所得拟其迹焉。士有相时之识，非乐土而
不居，非艰虞所能阨，岂斗筭凡类所得比其识焉。

则我 太始祖迁居伟业，诚足尚矣。公讳训，河南
省开封府祥符县怀万（孟）乡人也，起家进士，仕
汉为端州牧，受光禄大夫。未几周移汉祚，乃曰：

“吾不可事二姓，否则有愧王躅乎！”遂隐居不仕，
偕夫人灌治田园，因家于高要焉。呜呼！寥寥数语，
落落高标，其见机也如电转星流，其审处也如云霞
迴举，其动也若鹰鹞迴迅，其止也状狮虎群怖，夫
是以保世滋大克昌，厥后，其规模器度，岂寻常齷
齷之士，所能望其肩背哉！

公生于唐天佑元年甲子（904年），卒于宋咸平三
年庚子（1000年），享寿九十有七岁，配夫人冯氏，

宰相冯道姪女也。合葬大湾龙井。生一子名彦祥，孙四人：长光瑑，分居五顶；次光璵，分居镇南；三光环，分居新生；四光璉，分居平田。其后光瑑生子名满，满生海源，分为五大房：曰玠、曰璉、曰伦、曰保志、曰察祭，是为五顶支派。光璵生子名隽，次名洪，孙五人：若思、若谷、若讷、若堂、若旦。后分十大房：曰记、曰议、曰谅、曰朝、曰端、曰茂、曰讨、曰和、曰相、曰道，是为镇南支派。至于光环之新生房，现仍蕃衍；光璉之平田房，则迁徙不知所终（踪）。统计十五房子孙，以万亿计。诗曰：“千禄百福，子孙千亿”，其是之谓乎！独是公之先代，以离乱失散，莫得其详。然考陆氏世系，则宗于舜，而系于齐，俱为元侯之后。始大于周，自时厥后，著作传世者四十七人，登唐科第者十有七人，登宋科第者六十三人，他如祀圣庙、崇祀孝弟乡贤者，载在史册，彰彰可考。非公迈种不孤，何钟美若此？呜呼！公当鼎革之际，而能洁身去乱，开岭南之大宗，为表海之巨族，传曰：“德盛必百祀，其有后也宜哉”。斯坟距肇城三十里馀，坐坤向艮兼丑未，前者湮没已久，于光绪三十年始行祭扫，今年从新修复，其缘由另附碑

记，兹不具述。既蒞事，董事强余为誌，余喜祖坟之失而复得也，蹈舞百拜，乃为铭曰：

『姚墟世胄，文武传家。盈门金紫，宠渥荣华。笃生我祖，永锡麻嘉。兰芬桂馥，五福叠加。惟公清芬，不事二君。清风满袖，矫矫不群。惟公卓识，粤土耕耘。中原鼎沸，不染恶氛。惟公之寿，九十有七。天锡纯嘏，聿开家室。惟公子孙，日惟千亿。为龙为光，瓜绵椒殖。壮哉斯原，灵秀之垣。风霜兵燹，岿然独存。松楸瞻拜，醉舞蹲蹲，日月有既，山陵水尊。乱（乚）曰：坐龙上，葬龙下，扃汝窆，窀安汝舍。井草清清水涟漪，国宝家藏重声价，子孙世守天麻迓。』

光绪三十二年丙午（1906年）仲秋穀旦

裔孙桂藩撰并书。

重修太始祖陆训公墓碑记

余读书至孔子少孤，不知其墓，问于陬曼父之母，然后得合葬于防，未尝不废书三叹曰：“嗟乎！孔氏之坟，乃湮没至此耶？”又尝驱车过孔林，见百官守护，桀戟森严，陵园葱郁，殿阁嵯峨，又为之扬鞭太息曰：“噫嘻，孔氏之坟，乃发现若此耶？”夫同一墓也，前者何以湮没？今者何以发现？曰：“天也！天将晦之，虽孝子慈孙不能显其迹；天将与之，虽妇人孺子亦得发其光。故曰『天也』”。

我太始祖训公之葬大湾龙井後岭也，宗谱彰彰可考矣。而湮没者数百年，今一旦而山陵肃穆，碑碣森罗，其辉煌煊赫，不能比之孔林，而显晦之迹，得失之机，其与孔坟将毋同，或者曰：孔坟之得，以陬曼父之母，今训公之坟，片石不存，故老以往，又何所据而云然哉？解之者曰：“考之宗谱，则大湾龙井，地名可据也，访之人言，则曰『陆家山』，口碑可据也”。又或曰：“『陆家山』之语，出于庸夫俗子之口，遂可以为据也？”解之又曰：“陬曼父之母，当时一老妪耳，尚能为孔林发其迹，况远近所同称，妇孺所同语，岂独不足信欤？”夫世

有非常之人，然后有非常之事，有非常之事，然后有非常之功。斯事体大，岂寻常意计所能及哉！子休矣！

维时首先提倡者，孝廉文治翁、贡生懋祺翁。董其事者，沂良翁、文林翁、瑞雲翁、达廷翁、启奎翁。本山坐坤向艮兼未丑，以本年春日兴工，以秋日泐石。

光绪三十二年丙午（1906年）重阳日

裔孙桂藩再撰又书。

後漢光祿大夫端州牧太始祖

考諱訓陸公妣馮氏太君

墓誌銘

鳥能飛萬里高舉遠蹈不限于方隅者其惟鵬乎
魚能吸百川縱橫變化激昂于洪溟者其惟鯤乎夫
鯤鵬之靈非滄海而不居非扶搖而不舉豈杖潦夕
吹所得擬其迹焉士有相時之識非樂土而不居非
艱虞所能既豈斗筭凡類所得比其識焉則我
太始祖遷居偉業諱足尚矣公諱訓河南省開封府
祥符縣懷萬鄉人也起家進士仕漢為端州牧受光
祿大夫未幾周移漢祚乃曰吾不可事二姓否則有
愧王蠲乎遂隱居不仕偕夫人灌治田園因家於高

要焉嗚呼寥寥數語落落高標其見机也如電
轉星流其審處也如雲霞迴舉其動也若鷹鷄迴
迅其止也狀獅虎羣怖夫是以保世滋大克昌厥後
其規模器度豈尋常齷齪之士所得望其肩背哉
公生于唐天祐元年甲子卒于宋咸平三年庚子享年
壽九十有七歲配夫人馮氏宰相馮道姪女也合葬大
灣龍井生一子名彥祥孫四人長光璿分居五項次光璵
分居鎮南三光環分居新庄四光璉分居平田其後光
璿生子名滿滿生海源分為五大房曰璣曰進曰倫曰保志
曰察帑是為五項支派光璵生子名雋次名洪孫五人
若思若谷若訥若堂若旦後分為十大房日記曰議曰諒

曰朝曰端曰茂曰討曰和曰相曰道是為鎮南支派至
光環之新生房現仍蕃衍光璉之平田房則遷
徙不知所終統計十五房子孫以億萬計詩曰千
祿百福子孫千億其是之謂乎獨是公之先代以離亂
失散莫得其詳然考陸氏世系則宗於舜而系于
齊俱為元侯之後始大于周自時厥後著作傳世者
四拾七人登宋科第者六十三人他如祀聖廟崇祀

查唐科第者十有七人

孝弟鄉賢者載在史冊彰彰可考非公邁種
不孤何鍾美若此嗚呼公當鼎革之際而能潔
身去亂開嶺南之大宗為表海之巨族傳曰德威
必百祀其有後也宜哉斯墳距肇城三十里餘坐坤向

良兼丑未前者湮沒已久於光緒三十年始行祭掃
今從新修後其緣由另附碑記茲不具述既歲事
董事強余為誌余喜祖墳之失而後得也蹈舞
百拜迺為銘曰

姚墟世胄文武傳家盈門金紫寵渥榮華篤生我
祖永錫庥嘉蘭芝桂馥五福疊加惟公清芬不事
二君清風滿袖矯矯不羣惟公卓識粵土耕耘中原
鼎沸不染惡氣惟公之壽九十有七天錫純嘏聿開
家室惟公子孫曰惟千億為龍為光依綿椒殖壯哉
斯原靈秀之垣風霜兵燹山歸然獨存松楸瞻拜醉
舞蹲蹲日月有既山陵永尊亂曰坐龍上莖龍下

扁汝窳窳安汝舍并草青青水漣漪國寶家藏重
聲價子孫世守天庥迓

光緒三十二年丙午仲秋穀旦裔孫桂藩敬撰并書

重修太始祖陸訓公墓墓碑記

余讀書至孔子少孤不知其墓問於陬曼父之母然後得合葬於防未嘗不廢書三嘆曰嗟乎孔氏之墳乃湮沒至此耶又嘗驅車過孔林見百官守護祭戟森嚴陵園葱鬱殿閣嵯峨又為之揚鞭太息曰噫嘻孔氏之墳乃發現若此耶夫同一墳也前者何以湮沒今者何以發現曰天也天將晦之雖孝子慈孫不能顯其迹天將興之雖婦人孺子亦得發其光故曰天也我太祖訓公之墓大灣龍井也宗譜彰彰可考矣而湮沒者數百年今一旦而山陵肅穆碑碣森羅其輝煌燿

赫不能比之孔林而顯晦之迹得失之机其與孔墳
將毋同或者曰孔墳之得以陬曼父之世今訓公之墳
片石不存故老已往又何所據而云然哉解之者曰
考之宗譜則大灣龍井地名可據也訪之人言
則曰陸家山口碑可據也或又曰陸家山之語出於庸
夫俗子之口遂可以爲據乎解之又曰陬曼父之世當
時一老嫗耳尚能爲孔林證其蹟况遠近所同
稱犇孺所同語豈獨不足信歟夫世有非常之人
然後有非常之事有非常之事然後有非常
之功斯事偉大豈尋常意計所能及哉子休
矣維時首先提倡者孝廉文治翁貢生懋祺翁

董其事者沂良翁文林翁瑞雲翁啓奎翁泰山坐坤
向長兼未丑以本年春日興工以秋日勒石

光緒三十二年丙午重陽日裔孫桂藩再撰又書